

# Swcigih Minzcunghvej Daengz Denzdungh Yen Diuyenz

12 nyied 10 hauh, Swcigih Minzcunghvej dangcuj suhgi, cujyin, Swcigih Dangjvej Dungcanbu fubucangj Lij Cinlinz daiqdoih daengz Denzdungh Yen diuyenz gij cingzvang gvancez lozsiz gij cingsaenz aen hoih hong Cunghyangh Dungcan caeuq hwnqguh gih guhyienh couqmaenh gij eiqsik caezcaemh Cunghvaz Minzczu.

Cujdiuyenz gonqlaeng daengz Bingzmaj Cin Mbanjnazhwngz Gwzmingsijvanj, dieg gaeuq Yougyangh Gunghnungz Minzczu Cwngfuj, Denzdungh Yen Bozvuzvanj daengj dieg,

doenggvaq dingq veibau, saeddieg cazyawj daengj fuengsik, ciengzsaeg liujgaij gij cingzvang hwnqguh gih guhyienh couqmaenh gij eiqsik caezcaemh Cunghvaz Minzczu Denzdungh Yen.

Cujdiuyenz ceijok, aeu laebdaeb haeujlaeg gvancez lozsiz gij swhsienj youqgaenj gvendaengz gyagiengz caeuq gaijndei hong minzczu Siz Ginbingz cungjsuhgi, laegdaeuq gaemdawz sienqmeh hong couqmaenh gij eiqsik caezcaemh Cunghvaz Minzczu, mboujduenh doidoengh couqmaenh gij eiqsik caezcaemh Cunghvaz Minzczu gak hangh hong

engqgya mizhingz mizgamj mizyauq. Aeu giethab dangdieg saedsaeh caeuq daegsaek, gyagiengz yenzgiu, daezsang swheij, haeujlaeg vatra lizsij vwnzva swhyenz daengj yenzsu, laebdaeb haengrengz senhconz doigvangq, cuknet swhsienj giekdaj, gietcomz cingsaenz ligliengh, guhbaenz aen gwzgiz hwnqguh gih guhyienh couqmaenh gij eiqsik caezcaemh Cunghvaz Minzczu gwnzlaj doengzsim, bumwnz doxgap, daengxcungq yinzminz camgya haenx.

(覃金香/Cinz Ginhyangh)



▲ Vunzmbanj youq ndaw naz mbaet raetmoengngaex.

## Lozcwngz: Nyaengq Mbaet Nyaengq Sou Raetmoengngaex

12 nyied 14 hauh, Lozcwngz Mulaujczu Swciyen Lungzan Cin Mbanjgauh'anh vunzmbanj cingq nyaengq mbaet sou raetmoengngaex, gunghawj hawciengz. Gaenh geij bi daeuq, aen yienh neix genhciz dazyinx vunzmbanj yungh nazhoengq seizdoeng ndaem raetmoengngaex, mizyauq daezswng diegdeih leihyungh baez soq, saedyienh naz ndeu lai sou, coicaenh nungzyez demyauq caeuq bouxguhnaz demsou, coenghrengz lajmbanj saenqhwngh.

(廖光福/Liu Gvanghfuz)

## Sanhgyangh: Danhcouh Guh Ciet Gijgwn Ndei Byaeklab

12 nyied 14 hauh, Sanhgyangh Duncuz Swciyen Danhcouh Cin Danhcouh Diegyouz guh ciet gijgwn ndei byaeklab, ginzung dangdieg yungh minzsug cunzyouz, yienjheiq, cimz byaeklab, baijai byaeklab daengj hozdung, supyinx haujlai bouxhek daeuq youz.

(龚普康/Gungh Bujangh)



▲ Ginzung dangdieg riuq nohlab bitlab cunzyouz.



▲ Bouxgagnyienh naicam bouxgeq.

## Mungzsanh: Seizdoeng Naicam Ranz Hoj

12 nyied 15 hauh, Mungzsanh Yen doih gagnyienh fugsah cujiz bouxgagnyienh daengz ranz hoj naicam, soengq cienz caeuq doxgaiq naicam hawj ranz hoj. Aen doihfugsah neix laebbaenz seiq bi lai daeuq, guh gak cungj hozdung gagnyienh fugsah, doidoengh laeb aen sevei habdangq, coicaenh minzczu doxgiat.

(黄胜林/Vangz Swnglinz)